

Na Presidente di Parlamento
drs. M.J. Lopez-Tromp
Presente

| |
|------------------------------|
| STATEN VAN ARUBA |
| Ingek. 28 AUG 2014 |
| Volgnr.: IS/946/13-14 |




Oranjestad, 28 di augustus 2014.

Topico: Preguntanan relaciona cu proyecto Formacion Social

Respetable Presidente,

Ricibi adhunto preguntanan dirigi na minister di Asuntonan General y minister di Asuntonan Social, Hubentud y Labor, a base di articulo III.17 di nos Constitucion y articulo 59 di Reglamento di Ordo di Parlamento.

Atentamente,



drs. M.G. Wyatt-Ras

**Preguntanan pa minister di Asuntonan General y minister di Asuntonan Social,
Hubentud y Labor**

Na anja 2011 gobierno den cooperacion cu Mariniers Kazerne a inicia e proyecto Formacion Social. Na oktober 2011 a keda aproba unanimamente den Parlamento e “Landsverordening houdende de regeling van een vormingsprogramma voor bepaalde jongvolwassenen (Landsverordening sociale vorming)”.

Hobennan den situacionnan vulnerable di 18-24 anja pa medio di ley a haya e oportunidad di formacion y educacion a base voluntario, pero cu hopi disciplina. Intencion ta cu e hobennan aki lo por ser forma di tal forma cu nan por haya y mantene un trabou.

Den transcurso di anja 5 grupo ya caba a finalisa e programa cu exito. Recientemente un trahador social a ser agrega na e team, kende ta encarga cu guia y contacto cu e hoben, hasta despues cu e finalisa e programa (nazorg). Esaki ta un desaroyo positivo.

Den practica a resulta cu apesar cu mayoria di e grupo ta finalisa e trayecto cu exito, tog tin un grupo di hoben cu no ta bin na remarca pa sigui e programa of no ta finalisa e programa. Esaki ta keda un reto pa dicho proyecto.

Alavez tin e grupo di hoben femenino cu ainda no ta forma parti di e programa, mientras cu dia 4 di oktober 2011 ora a trata e ley, parlamento unanimamente a aproba un mocion pa inclui hobennan femenino (anexo).

Considerando esaki y a base di articulo III.7 di nos Constitucion y articulo 59 di Reglamento di Ordo di Parlamento di Aruba, mi persona como representante di pueblo ta dirigi e siguiente preguntanan na ministernan encarga.

1. Minister por indica cual ta e motibo cu gobierno no (t)a inclui hobennan femenino den e proyecto?
2. Den caso cu lo inclui nan, ki tempo por spera esaki?
3. Minister por informa ki ta e motibo cu tin un grupo di hoben cu no ta logra finalisa e trayecto?
4. E hecho cu participacion na e proyecto ta a base voluntario por tin efecto ariba e hecho cu un grupo a lo largo ta stop cu e programa?
5. Gobierno lo mantene e ley manera e ta actualmento of tin pensa di trese cambianan, entre otro pa loke ta trata e base voluntario?
6. Den caso cu un mayor ta willing pa paga pa participacion di su yiu na e programa, esaki lo por ta posibel den futuro?

A base di e situacion y preocupacion pa e muchanan ta sigui e siguiente preguntanan, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

Mi ta spera di por ricibi contesta riba e preguntanan aki mas pronto cu ta posibel.

Atentamente,


drs. M.G. Wyatt-Ras, Parlamentario Fraccion AVP

4-10-17.



onafhankelyk lid
MG Ras e.a.

STATEN VAN ARUBA

Ingek. 04 OCT 2011

Volgnr.: 15/102/11-12

STATEN van ARUBA

MOCION

Parlamento di Aruba den Reunion Publico dia 4 di oktober 2011.

Considerando:

- cu for di datonan di Censo di 2010 a resulta cu tin un cantidad di 725 hoben di edad di 18 pa 25 anja (di cual 300 ta mucha muher y 425 ta mucha homber), cu ta den un posicion social debil y tin un perspectiva pa futuro zwak;
- cu e hobennan aki tin dificultad na acceso ariba mercado laboral, locual por influencia nan bida den futuro na un forma negativo;
- cu e situacion aki no ta aceptable ni pa comunidad ni pa e hoben mes y su famia;
- cu for di practica ta resulta cu hobennan cu no ta haya suficiente oportunidad tin mas chens di cai den circuito criminal y/of di adiccion;
- cu a base di e principio di e derecho di igualdad ta di importancia pa duna mucha muhernan di 18 pa 24 anja tambe e oportunidad pa haya mesun formacion social;
- cu esaki lo haci posibel cu e mucha hombernan lo tin momentonan di sinja of sea “leermomenten” cu e ser femenino y cu por atende issuenan tambe di respet, y combati asina tambe e fenomeno di abuso y maltrato di hende muher den comunidad;
- cu gobierno a bin ta anuncia su maneho pa duna esnan cu a perde oportunidad den ensenjanza y cu socialmente no ta suficiente desaroya un oportunidad ariba mercado laboral;
- cu pa medio di ley lo reglamenta formacion di e hobennan menciona, cu lo consisti di dos parti esta e trayecto di training y esun di educacion (opleiding);
- cu lo evalua dos biaha pa anja unda e Cabesante lo duna relato na minister encuan to e desaroyo di e proyecto piloto;
- cu segun gobierno a informa Parlamento lo ehecuta e proyecto durante tres anja pa despues evalua su efectividad y dicidi con ta sigui;

Ta dicidi:

- di urgi gobierno pa crea e infraestructura necesario di manera cu despues di e promer anja di funcionamiento di e trajectonan di formacion segun e ley di sociale vorming, crea espacio pa inclui mucha muhernan den e trajectonan;

Y ta pasa pa orde di dia.



STATEN VAN ARUBA

STEMMING

AGENDAPUNT: 1 mohi 3 onafh lid m G

VERGADERING NO: #5 D.D. 1-10-11 Ras e.2

| | | VOOR | TEGEN |
|---------------------------------------|--------------------------|-------|--------|
| 1. | drs. P.F.T. Croes | | |
| 2. | ing. C.G. Dammers | | |
| 3. | drs. G.R. Herdé | | |
| 4. | L.C. Jansen-Varlack | | |
| 5. | drs. L.T. Kemp-Westerhof | | |
| 6. | drs. R.A. Lee | | |
| 7. | D.R. Rasmijn | | |
| 8. | A.M. Sneek | | |
| 9. | Mr. A.F. Tromp | | |
| 10. | M.A. Tromp | | |
| 11. | C.N. Velasquez | | |
| 12. | J.D.E. Yrausquin | | |
| 13. | ing. E. Briesen | | |
| 14. | drs. M.J. Kelly | | |
| 15. | mr. X.J. Ruiz-Maduro | | |
| 16. | mr. J.E. Thijsen | | |
| 17. | mr. E.C. Wever-Croes | | |
| 18. | mr. A.C.G. Bikker | | |
| 19. | drs. M.J. Lopez-Tromp | | |
| 20. | drs. C.A.S.D. Wever | | |
| 21. | drs. M.G. Ras | | |
| | UITSLAG STEMMING | VOOR: | TEGEN: |
| HOOFDELIJKE STEMMING: <u>nee</u> | | | |
| <u>insamen 220-</u> <u>Genomen</u> | | | |